

0 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9



C40-4514

C40
4514
(2)

皆藝吸意又吸類贊齊賛胥胥次醉鑄吳堅以闡達
自小亦可直外將指吸姪母人同鑄寶鑑各鑄吸
吸泉金色界休璽手普雨飄量鑄其欣樂輸不由休
鑄之正熙醉酣未之昧舍姑郡文音昇圓至也休取
奚宜益限事聖交而兩亦卦昧蟠而無盡苦圓
眾千六市萬策之梁昧圓蟠藏逝之未縣貫于一
簡便多而愈降舍十六盡空从一毫除無量降土休
人以衆而爲一以大而爲小以小而爲大愈貳而愈
奧昔始艷然至底無汎至聖首要蓋要旨一而爲
一旨之義而此以數取大體卑下之端而尊其上

一句之義而況以淺近之觀耳下之識而欲探其
奧者哉雖然至道無形至理有要蓋要者以一而爲
長以衆而爲一以大而爲小以小而爲大愈煩而愈
簡愈多而愈約舍十方虛空於一毫納無量刹土於
芥子行布萬象之粲明圓融海波之一味總貫于一
奚有差別事理交徹而兩忘性相融通而無盡若圓
鏡之互照猶明珠之相含故悟之者得圓至功於頃
刻見金色界於塵毛普雨應量隨其好樂鮮不由於
自心亦何有於佛說如彼世人同遊寶藏各隨所欲
皆獲如意又如饑餐香積皆得充飽詮是理以闡教

其調伏利益者至矣朕間窺真諦略究旨歸求千訓
於一言索羣象於一字深歎如來之道甚深廣大以
一心而爲宗啟多門而無礙千流之異而同源萬車
之殊而同轍最勝之法真實之義非名言之可窮豈
小機之可解直湏了悟自心圓信成就庶可叩真如
之玄關以造空王之寶殿也於是鏤梓徧布流通廣
大乘之教宗爲羣生之方便若夫剖微塵之千卷有
旨明人書大藏於空中俟彼智者謹書此爲序以發

其端云

80

1

2

3

4

5

6

7

8

9

100

1

2

3

4

5

6

7

8

9

卷第十一

大方廣佛華嚴經品目

卷第一之第五

世王妙嚴品第一

卷六

如來現相品第二

卷七

普賢三昧品第三

世界成就品第四

卷第八之第十

華藏世界品第五

良人書大乘空中說妙音書出風宗門
大乘之傳宗祖基生之太聖者夫空也聖文千家序
此空可捨重固可持輕也空也無所有也真此
文根而同達最細之真此無所有也空也無所有也
一小而無宗妙義門而無體也空也無所有也真此
一言宗聖衆外一字無邊吹來六首甚榮超丈
其廣兮以盡吾至矣誰問爾其能復安可謂求乎

卷十一

毗盧遮那品第六

卷十二

如來名號品第七

卷十三

四聖諦品第八

卷十四

光明覺品第九

卷十五

菩薩問明品第十

卷十六

賢首品第十二之上

卷十七

賢首品第十二之下

卷十八

升湧彌山頂品第十三

湧彌頂上偈讚品第十四

十住品第十五

卷十九

梵行品第十六

初發心功德品第十七

卷十八

明去品第十八

卷十九

升夜摩天宮品第十九

夜摩宮中偈讚品第二十

十一

二十一

卷二十一

十無盡藏品第二十一

100

卷二十二

升兜率天宮品第二十三

卷二十三

兜率宮中偈讚品第二十四

十迴向品第二十五之上

卷二十四之三十三

十道向品第二十五之下

卷之二十一

卷四十之四十三

十定品第二十七

卷四十四

十通品第二十八

十忍品第二十九

卷四十五

阿僧祇品第三十

壽量品第三十一

諸菩薩住處品第二十二

卷四十六之四十七

佛不思議法品第二十三

卷四十八

如來十身相海品第三十四

如來隨好光明功德品第三十五

卷四十九

普賢行品第三十六

卷五十之五十二

如來出現品第三十七

卷五十三之五十九

離世間品第三十八

卷六十之八十

入法界品第三十九

經前懸談入卷外入經疏
鈔釐合隨經不另列目

嘉興葉祺胤捐廩敬刻

成祖聖製序暨

經品目伏願

今皇帝

日升月恒歌天保之戢穀

內恬外寧頌思樂之獻蹕凡在



清涼國師像

華嚴四祖清涼國師像贊

文宗皇帝勅寫國師真。奉安大興唐寺。御製讚曰。朕觀法界。曠闊無垠。應緣成事。允用虛根。清涼國師。體象啟門。奄有法界。我祖聿尊。教融海嶽。恩廓乾坤。首相二疏。拔擢幽昏。間氣斯來。拱承佛日。四海光凝。九州慶溢。敞金仙門。奪古賢席。大手名曹。橫經請益。仍師臣休。保余遐曆。爰抒纈毫。式揚茂實。真空罔盡。機就而駕。白月虛秋。清風適夏。妙有不遷。緣息而化。邈爾禹儀。煥乎精舍。

按帝心順和尚爲東土華嚴初祖師爲四祖若依西土馬鳴爲初祖龍樹爲二祖則師爲六祖

清涼國師疏鈔緣起

清涼國師澄觀。字大休。會稽人。姓夏侯氏。生於開元戊寅。身長九尺四寸。垂手過膝。口四十齒。目光夜發。晝乃不晦。天寶七年出家。至肅宗二年丁酉受具。是年奉詔入內。勅譯華嚴。初至德中。卽以十事自勵曰。體不捐沙門之表。心不違如來之制。坐不背法界之經。性不染情礙之境。足不履尼寺之塵。脣不觸居士之榻。目不視非儀之綵。舌不味過午之餚。手不釋圓明之珠。宿不離衣鉢之側。從牛頭忠徑山欽問西來宗旨。授華嚴圓教於京都說禪師。至是大曆三年。代

宗詔入內。與大辯正三藏譯經爲潤文大德。旣而辭入五臺大華嚴寺。覃思華嚴以五地聖人。棲身佛境。心體真如。猶於後得智。起世俗心學世間解。繇是博覽六藝。圖史九流異學。華夏訓詁。二經梵字。及四圍五明。聖教世典等書。靡不該洽。至建中四年。下筆著疏。先求瑞應。一夕夢金容當陽山峙。光相顥顥。因以手捧咽面門。旣覺而喜。以謂獲光明徧照之徵。自是落筆無停思。乃以信解行證分華嚴爲四科。理無不包。觀每慨舊疏未盡經旨。唯賢首國師頗涉淵源。遂宗承之。製疏凡歷四年而文成。又夢身爲龍。矯首南

臺尾蟠北臺宛轉凌虛。鱗鬚耀日。湏更變百千數。蜿蜒青冥。分散四方而去。識者以爲流通之象也。初爲衆講之感。景雲凝停講堂庭前之空中。又爲僧叡等著隨疏演義四十卷。道文手鏡一百卷云。

詔清涼講華嚴經題

丙子十二年。宣河東節度使禮部尚書李詵備禮迎法師澄觀入京觀至。有旨命同罽賓三藏般若翻譯烏茶國所進華嚴後分梵筭。帝親預譯場。一日不至。卽差僧寂光依僧欲云。皇帝國事因緣。如法僧事。與欲清淨。觀承睿旨。翻宣旣就。進之。帝命開示華嚴宗。

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

旨羣臣大集觀陞高座曰我皇御宇德合乾坤光宅萬方重譯來貢東風入律西天輸越海之誠南印御書北闕獻朝宗之敬特回明詔再譯真詮光闡大猷增輝新理澄觀顧多天幸欽屬盛明奉詔譯場承旨幽讚抃躍競惕三復竭愚露滴天池喜含百川之味塵培華岳無增萬仞之高極虛空之可度體無邊涯大也竭滄溟而可飲法門無盡方也碎塵刹而可數用無能測廣也離覺所覺朗萬法之幽遂佛也芬敷萬行榮耀衆德華也圓茲行德飾彼十身嚴也貫攝玄微以成真光之彩經也總斯七字爲一部之宏綱

將契本性非行莫階故說普賢無邊勝行行起解絕智證圓明無礙融通現前受用帝大悅賜觀紫方袍號教授和尚其後相國齊抗鄭餘慶高郢請撰華嚴綱要二卷相國李吉甫侍郎歸登駙馬杜悰請述正要一卷又爲南康王韋臯相國武元衡著法界觀玄鏡一卷僕射高崇文請著鏡燈說文一卷司徒嚴綬司空鄭元刺史陸長源請撰三聖圓融觀一卷節度使薛華觀察使孟簡中書錢徽拾遺白居易給事杜羔等請製七處九會華藏界圖心鏡說文十卷又與僧錄靈遂大師十八首座十寺三學上流製華嚴圓

覺四分中觀等經律論關脉三十餘部。皆古錦純金隨器任用耳。

詔清涼講華嚴宗旨

己卯十五年清涼受鎮國大師號。進天下大僧錄。四月帝誕節。勅有司備儀輦迎教授和尚澄觀入內殿。闡揚華嚴宗旨。觀陞高座曰。大哉眞界。萬法資始。包含有而絕相。入言象而無迹。妙有得之而不有。眞空得之而不空。生滅得之而真常。緣起得之而交映。我佛得之。妙踐真覺。廓盡塵習。寂寥於萬化之城。動用於一虛之中。融身刹以相含。流聲光而遐燭。我皇得之靈鑒虛極。保合太和。聖文掩於百王。淳風扇於萬國。敷玄化以覺要。垂天真以性情。是知不有太虛曷展無涯之照。不有眞界豈淨等空之心。華嚴教者。卽窮斯旨趣。盡其源流。故恢廓宏遠。包納冲邃。不可得而思議矣。指其源也。情塵有經。智海無外。妄惑非取。重玄不空。四句之火莫分。萬法之門皆入。冥二際而不一動。千變而非多。事理交涉而兩忘。性相融通而無盡。若秦鏡之互照。猶帝珠之相含。重重交光。歷歷齊現。故得圓至功於頃刻。見佛境於塵毛。諸佛心內衆生新新作佛。衆生心中諸佛念念證真。一字法門。

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

海墨書而不盡。一毫之善空界盡而無窮。語其定也冥一如於無心。卽萬法動而常寂。海湛真智。光含性空。星羅法身。影落心水。圓音非扣而長演。果海離念而心傳。萬行忘照而齊修。漸頓無碍而雙入。雖四心被廣。八難頓超。而一極唱高。一乘絕聽。當其器也。百城詢友。一道棲神。明正爲南方。盡南矣。益我爲友。人皆友焉。遇三毒而二德圓。入一塵而一心淨。千化不變其慮。萬境順通于道契。文殊之妙智。宛是初心。入普賢之玄門。曾無別體。失其旨也。徒修因於曠劫。得其門也。等諸佛於一朝。諦觀一塵。法界在掌。理深智遠。識昧辭單。塵艶聖聰。退座而已。帝時默湛海印。朗然大覺。顧謂羣臣曰。朕之師言雅而簡。辭典而富扇。眞風於第一義天。能以聖法清涼朕心。仍以清涼賜爲國師之號。朕思從來執身心我人。及諸法定相斯爲甚倒。羣臣再拜稽首。頂奉明命。由是中外台輔重臣。咸以八戒禮而師之。凡歷九朝。爲七帝門師。是爲六祖。九朝者唐玄宗肅宗代宗德宗順宗憲宗穆宗敬宗文宗也。七帝者卽代宗以下七帝也。

上問華嚴法界

帝問國師澄觀曰。華嚴所詮。何謂法界。奏曰。法界者。一切衆生之身心本體也。從本以來。靈明廓徹。廣大。

虛寂唯一真境而已。無有形貌而森羅大千。無有邊際而含容萬有。昭昭於心目之間而相不可覩。晃晃於色塵之內而理不可分。非徹法之慧目。離念之明智。不能見自心如此之靈通也。故世尊初成正覺。歎曰。奇哉。我今普見一切衆生。具有如來智慧德相。但以妄想執着而不能證得。於是稱法界性說華嚴經。全以真空簡情。事理融攝。周徧凝寂。帝天縱聖明。一聽玄談。廓然自得。於是勅有司備禮鑄印遷國師統冠天下。緇徒號僧統清涼國師。

御讚清涼國師碑銘

開成二年三月六日僧統清涼國師澄觀將示寂。謂其徒海岸等曰。吾聞偶運無功。先聖悼歎復質無行。古人恥之。無昭穆動靜無綸緒往復。勿穿鑿異端。勿順非辯僞。勿迷陷邪心。勿固牢鬪諍。大明不能破長夜之昏。慈母不能保身後之子。當取信於佛。無取信於人。真理玄微。非言說所顯。要以深心體解。朗然現前。對境無心。逢緣不動。則不孤我矣。言訖而逝。師生歷九朝。爲七帝門師。春秋一百有一。僧臘八十有八年長九尺四寸。垂手過膝。目光夜發。晝視不瞬。才供二筆。聲韻如鐘。文宗以祖聖崇仰。特輶朝三日。臣民

80

1 2 3 4 5 6 7 8 9 **10** 1 2 3 4 5 6 7 8 9 **10** 1 2 3 4 5 6 7 8 9

清江集

十一

卷之三

縞素奉全身塔于終南山。未幾有梵僧到闕表稱於
葱嶺見二使者凌空而過以咒止而問之答曰北印
度文殊堂神也東取華嚴菩薩大牙歸國供養有旨
啟塔果失一牙唯三十九存焉遂闔維舍利光明瑩
潤舌如紅蓮色賜謚仍號清涼國師妙覺之塔相國
裴休奉勅撰碑其銘曰寶月清涼寂照法界以沙門
相藏世間解澄湛含虛氣清鍾鼎雪沃剡溪霞橫縹
領真室寥覓靈窟崔嵬虛融天地峻拔風雷離微休
命實際龐鴻奉若時政革彼幽蒙爛乎禹質元聖孕
靈德雲冉冉凝眸幻形谷響入耳性不可爲青蓮出

水深不可闌。才受尸羅。奉持止作。原始要終。克諧適
莫。鳳藻瓊奇。遺演祕密。染翰風生。供盈二筆。欲造玄
闕。咽金一象。逮竟將流。龍飛千颺。疏新五頂。光銜二
京。躍出法界。功齊百城。萬行芬披。華開古錦。啟廸羣
聰。與甘露飲。燮讚金偈。懷生保乂。聖王師資。聿興遐
裔。貝葉翻宣。譯揚獨步。譚柄一揮。幾回天顧。王庭闡
法。傾河湧泉。屬辭縱辯。玄玄玄玄。紫衲命衣。清涼國
號。不有我師。孰知吾道。九州傳命。然無盡燈。一人拜
鋤。統天下僧。帝網冲融。潛通萬戶。歷天不周。同時顯
晤。卷舒自在。來往無蹤。大士知見。允執厥中。西域供

牙。梵倫遠至。奏啟石驗。嘉風益熾。勑俾圖真。相卽無
相。海印大龍蟠居方丈。哲人去矣。資何所參。卽事之
理。塔鎖終南。

附宋洪覺範林間錄云。棗柏大士清涼國師。皆弘
大經造疏論宗於天下。然二公制行皆不同。棗柏
則跣行不帶。超放自如。以事事無礙行心。清涼則
精嚴玉立。畏五色糞。以十願律身。評者多喜棗柏
坦宕。笑清涼束縛。意非華嚴宗所宜爾也。予曰。是
大不然。使棗柏雍髮作比丘。未必不爲清涼之行。
蓋此經以遇緣卽宗合法。非如餘經有局量也。

大方廣佛華嚴經隨疏演義鈔序

清涼山大華嚴寺沙門澄觀述

至聖垂詰鏡。一心之玄極。大士弘闡燭微言。之幽致
雖忘懷於詮旨之域。而浩瀚於文義之海。蓋欲寄象
繫之迹。窮無盡之趣矣。斯經文理不可得而稱也。晉
譯祕典。賢首頗得其門。唐翻靈篇。後哲未窺其奧。不
揆膚受。輒闡玄微。偶溢九州。遐飛四海。講者盈百。咸
扣余曰。大教趣深。疏文致遠。親承指訓。髣髴近宗。垂
範千古。慮惑高悟。希垂重剖。得覩光輝。順斯雅懷。再
此條治。名爲隨疏演義。昔人云。人在則易。人亡則難。

撰述

李廣金屬

今爲此釋冀遐方終古得若面會然繁則倦於章句簡則昧其源流顧此才難有慙折衷意夫後學其辭不枝矣

按此序初無釋文係後人所綴筆法不類清涼特櫻字等函北藏及方冊具載姑錄於左

釋文

將釋此序大文分三初明題目次弁撰人後

解本文初中經疏鈔題具如下釋序者由也始也陳教起之因由作法興之漸始故名爲序又序因鈔起鈔因疏起疏因經起三重次第展轉相由疏主仰遵聖德而有述作故通序之冠於鈔首故名序也

次撰人清涼山大華嚴寺寺者卽所依處也清涼

者瑞靉凝空茂林森聳夏仍飛雪冬積堅冰曾無炎暑故曰清涼山者峙也地跨層巒衆峯齊峙峩峩拂漢峭嶺倚天故名山也大華嚴寺者一藍之局號亦名花園寺寺前有園地方數頃名花間發瑞草時敷有異常境故名花園寺沙門者正舉能述人也梵語具云室羅末拏此云勤息經云息心達本源故號爲沙門然有勝義世俗示道污道之異如十輪經次二字卽疏主號也唐歷九宗聖世而爲七帝門師特賜清涼之號廣如碑傳述者疏主自謙言不作也意云我但述古人之義爲此鈔

撰述

華嚴金剛

卷一

五

文非新製作也。

至聖垂誥下三本文中分二初教起源流後鈔興本末初中二初通明諸教後別指當經又初中四一明如來說經二明菩薩造論三縱奪遣妨四出示經意今初明如來說經就二段中具彰二寶至聖佛也垂誥法也大士僧也三寶最吉祥故我經初說至者極也聖者正也爲如來能以正智證窮法界更無過者故名至聖又至揀因位聖揀凡夫集玄記云聖者生也視物之生知其終始智通乎大道應變而無窮故名至聖然諸教不同畧分爲

五初小乘教以五分身爲法身丈六身爲報身隨類爲化身名至聖二大乘始教中有二宗一破相宗中以勝義諦中離一切相非蘊界處爲法身智隨物現爲報化身名至聖二立相宗中以清淨法界爲法身四智相應心品所現爲報化身爲至聖三終教依起信論以體大爲法身相大爲受用身用大爲他報化身爲至聖四頓教中不分三異絕待離言一實之性爲至聖五圓教卽以法界無盡身雲真應相融一多無礙圓滿十身爲至聖若具實爲論唯圓教佛方名至聖垂誥者卽所說之教

也垂者布也。垂布典誥宣揚法化利益衆生故云垂誥。又尚書有大誥康誥等篇告上曰告發下曰誥。有云王言爲誥皆不定也。今謂如來演說三乘十二部經利益有情故云垂誥。鏡一心等者。鏡者喻也。鏡有照鑑之功。喻能詮教法。鏡中之像。喻一心。玄極卽所詮之法也。清涼云。以聖教爲明鏡。照見自心。以自心爲智燈。照經幽旨。卽斯意也。今依五教畧明一心。初小乘教中實有外境。假立一心。由心造業所感異故。二大乘始教中以異熟賴耶。爲一心。遮無外境。三終教以如來藏性。具諸功德。

故說一心四頓教以泯絕無寄。故說一心五圓教中總該萬有事。事無礙。故說一心良以如來隨機設教。故有千差殊途同歸。皆一致也。玄極者深妙也。又玄者幽也。遠也。極者盡也。謂至理幽奧深遠難測。故老子云。杳冥之內。衆妙存焉。皆不思議之境也。又海慧禪師云。森羅萬象。至空而極。百川衆派。至海而極。一切聖賢。至佛而極。一切教法。至圓而極。故云玄極。○大士下菩薩造論筆削記云。發大心信大法解大教修大行證大果故名大士。又大士者有德之稱也。此通凡聖。若論弘闡亦兼餘。

疏鈔主也是以西域東夏造論釋經或地上菩薩或當代英賢皆思拔羣位智出衆情弘道利生故名大士弘闡者弘者大也闡者開也或分宗立教或顯正推邪或高建法幢或廣揚聖化皆爲弘闡也燭謂燈燭有照了之義故下經云譬如暗中寶無燈不可見佛法無人說雖慧莫能了然上云鏡者在明卽見如對上根見經生解也言燭者在暗卽見如諸下根覩疏鈔文方乃生解亦如起信之法故名微言唯識云激河辯而贊微言等孝經序說四根法華之明三品皆其意也微言者微妙之

云夫子沒而微言絕皆以聖教爲微言也。幽致者幽者遠也。致者趣也。卽上玄極之理。幽遠深邃。故云幽致。

雖忘懷下。次縱奪遣妨二。初縱法本離言。後奪不
礙言說。今初雖者。縱其無言。應有問云。上言理趣。
玄極。微言幽隱。忘懷絕慮。方可契會。何用廣陳言
教。翻欲擾人耶。故縱云。雖忘懷於詮旨之域。忘懷
者。忘情絕慮。謂之忘懷。詮旨者。所詮理也。域者。疆
域。謂能詮三藏。有包含義故。今皆超之。故云爾也。
而浩汗下。奪其無言。不得言也。謂諸佛菩薩。有

撰述

卷之三

大智故上契無爲。有大悲故下垂言教。浩汗者。大水之貌。疏序云。湛湛忘言。而教海之波瀾浩汗。謂此大經文廣理深。故喻如海。蓋欲下四出示經意。二初舉例設教。後因言悟入。今初舉例設教。蓋者承前起後。發語之端。欲者將也。寄者託也。象繫者象。謂爻象繫者繫辭。卽周易十翼之文。謂上彖一下彖二。上象三。下象四。上繫五。下繫六。文言七。說卦八。序卦九。雜卦十。鄭學之徒。並同此說。皆孔子所作。讚明易道。發揮至贍。有類菩薩造論。釋經之意。跡者蹤跡。如尋其兔。先尋

其跡。得兔忘跡。得象忘言。謂假託言象之跡。以契言絕之理。下經云。了法不在言。善入無言際。而能示言說。如響遍世間。卽其意也。○窮無盡下。因言悟入窮者盡也。易云。窮理盡性。以至於命。無盡之趣者。卽上一心玄極之理。謂假託言象。以契無言。非有無言。可爲棲託。下經云。雖復不依言語道。亦復不着無言說也。故知文字性離。雖終日言而無言。豈可緘言而守默哉。斯經下。別顯當經以伸旨趣。分二。初標指後嘆勝。今初也。謂此大經文言廣博。非心可測。就言象中

畧標三本。上本經有十三三千大千世界微塵數偈。一四天下微塵數品。中本經有四十九萬八千八百偈。一千二百品。下本經有十萬偈。四十八品。今所傳者是畧本。經有四萬五千偈。豈況此經一字法門。海墨書而不盡也。理者所詮義也。橫該三藏。監貫十宗。六相十玄。重重妙用。無盡教體。海印發揮。菩薩猶迷。聲聞不測。豈非斯經文理不可得而思議矣。不可得而稱也者。後數勝也。

後晉譯下。鈔典本末二。初依經製疏。後請集鈔文。初文分三。初晉譯先彰。二唐翻後闡。三疏成廣播。

初中一二。初旨趣玄微。後賢首得旨。且初旨趣玄微。晉譯者東晉安帝義熙十四年。覺賢三藏所譯六十卷。經譯者傳也。傳梵爲華。故言翻譯。幽者隱也。祕者密也。晉經文多隱奧。取悟無由。故云幽祕。○賢首下。後賢首得旨。纂靈記云。僧法藏字賢首。洞悟真宗。深窮法界。造探玄訣。解釋晉經。雖有古德多家疏文。唯賢首一人多得其妙。故云頗得其門。唐翻下。唐翻後闡二。初新經罔博。後刊定迷宗。今初也。唐翻靈篇者。正譯時。卽當則天設正。改唐爲周。至中宗立。却復舊號爲大唐。今云唐翻者。據復

號爲言靈篇者。靈妙篇章。又多靈感。故云靈篇。○
 後哲下。刊定迷宗。哲者智也。卽指淨法苑公。造刊
 定記二十卷。以解唐經。未窺者。窺者。視也。未窺者。
 不見也。刊定釋義。多失經旨。所以未見經中之玄
 奥也。論語云。叔孫武叔語大夫於朝曰。子貢賢於
 仲尼。子服景伯以告子貢。子貢曰。譬如宮牆。賜之
 牆也。及肩。闕見室家之好。夫子之牆數仞。不得其
 門而入。不見宗廟之美。百官之富。得其門者寡矣。
 今借其文以喻華嚴之室深奧。而刊定未達。故云
 未窺玄奧。故清涼嘆曰。大哉新經。而無得意之疏。

安可指南。乃興述作之意也。

不揆膚受下三疏成廣播。二初陳謙述後疏遠流
 通。今初陳謙述也。揆者度也。膚者皮也。皮膚之受
 故云膚受。馬融曰。膚外語受。非內實也。東京賦云
 未學膚受。貴耳而賤目也。濟曰。所受膚薄。貴於耳
 而賤於目。意云。我不自度膚淺之學。輒便解釋此
 經是自專也。

偶溢九州下。疏遠流通。偶者。不期而會。溢者。盈滿
 之義。九州者。通典云。雍。荆。青。豫。冀。幽。兗。揚。徐。是爲
 九州。遐飛者。遐者遠也。飛揚也。四海者。東夷西戎。

南蠻北狄爲之四海。疏王謙云。我所造疏。自備遺忘。教示童蒙。非敢望於遠布。忽然盈溢於九州。遠揚於四海之内也。觀其幢像之夢。飛龍之瑞。實乃洞契佛心。使之然也。

講者下。後請集鈔文四。初學徒咨請。二冀遠重宣。三法師承領。四述作體式。且初中四。初標衆。二陳詞。三按定。四謙承。且初標衆。講者解也。論也。解釋文義。論量邪正。教示學徒。名爲講者。或當代英賢。或聽習之者。盈滿百人。同時伸請。○咸叩下。二陳詞。咸者。皆也。叩者。擊也。余者。我也。意云。講者百人。

皆詣我所用。言激勵。勸造鈔也。○大教下。三按定。大教揀。非泛常之典。乃如來不思議大威德法門。故云大教趣者。旨也。深也。既所釋之經洪深。故能釋之疏幽遠。○親承下。四謙承。卽當時聽習之者。口傳心授。啓悟真宗。髫鬌者。相似之義。唯識疏云。雖則髫鬌糟粕。未能曲盡幽玄。意云。我等非敢洞明。幽趣。親蒙指訓。相似近宗也。

垂範下。二冀遠重宣。二初慤後。後正請。且初慤後。垂者布也。範者儀範。十口所傳。爲古今云千古者。乃萬世之津糧矣。慮者思慮。惑者疑也。慮恐傳之。

後世疑惑高遠之悟。○希垂下二正請希望再作鈔文剖析疏義燦然明白故云得覩光輝。

順斯下三法師承領三初明製鈔意次引古釋成後出意製鈔且初明製鈔意雅者正也懷者情懷順斯雅正之懷重啓利生之念再爲條貫義理今無盡法門宛如在目尚書云如網在綱有條而弗紊注云如網在綱有條而不亂也故名隨疏演義鈔○昔人下引古釋成纂玄等述楊子書造船之事而未見文不敢依憑今依楊子法言問經之難易曰存亡或不敏者請益則曰人在則易有所請益人亡則難無所請益○今爲下出製鈔意今爲順請重釋此疏冀望遠方流通於後世凡有覩斯鈔文皆如與我面對卽疏王普現色身三昧之謂也。

然繁則下四述作體式三初正顯次謙陳後出理且初正顯爲離廣畧二過疏云文華尚然翳理繁言豈不亂心故知所作則不易也○顧此下次謙陳才難論語泰伯篇孔子曰才難不其然乎彼意嘆國家人才難得此特借用以見折衷之才之難故疏王謙云我無折衷之才輒述鈔文實爲慚愧。

機道

卷之二

三

○意夫下後出理若離繁簡一失注述鈔文庶使學者其詞無枝蔓矣。

嘉興信士葉祺胤捐廩刻此

清涼大師行蹟并隨疏演義鈔序伏願

神宗顯皇帝

光宗貞皇帝

普現人天之主

徧隆付囑之法

大方廣佛華嚴經疏序演義鈔卷第一

經前懸談
盡入卷終

清涼山大華嚴寺沙門澄觀撰述

將釋此疏。大分爲四。初總序名意。二歸敬請加三開章釋文。四謙讚廻向爲順經文有四分故。若順序正流通。則合前二爲序分。開章爲正宗。謙讚爲流通。

今初總序名意。卽是疏序。亦名教迹。籠分有四。細科爲十。言有四者。一通序法界爲佛法大宗。二剖裂下。別敘此經以申旨趣。三是以菩薩搜祕下。慶遇由致。激物發心。四題稱大方廣下。畧釋名題令

撰述

華嚴玄義卷一

三

知綱要亦爲順經四分故。言細科爲十者爲順無盡故。一標舉宗體。二別歎能詮。三教王難思。四說儀周普。五言該本末。六旨趣玄微。今七成益頓超。八結歎宏遠。九感慶逢遇。十畧釋名題。

往復無際動靜一源。含衆妙而有餘。超言思而迥出者。其唯法界歟。

今初往復無際至其唯法界歟。文有五句。言意多含。畧爲四意。一約三大釋。二約本末釋。三明法界類別。四總彰立意。今初約三大釋者。

意明法界具三大故。初句明用。次句明體。次句明相。次句融拂。末句結屬。今初卽往復無際是也。往者去也。起也。動也。復者來也。滅也。靜也。無際有二。一約廣多無有際畔。此就事用。二約絕於邊際。據卽事同真。何法往復。畧有三義。一雙約迷悟說。二唯就妄說。三返本還源說。今初爲迷法界而往六趣去也。動也。悟法界而復一心來也。靜也。皆法界用也。迷則妄生。悟則妄滅。然真有二義。一約隨緣。迷卽真。隨於妄。則真滅。妄生。悟卽妄滅歸真。則真生。妄滅。二約不變。迷悟生滅來往紛然。真界湛

若虛空體無生滅。此義在下體中。言無際者。迷來無始。故無初際。悟絕始終。際卽無際。二唯約妄說。復有二義。一堅論去來。過去無始。未來無終。無初後際。二約橫說。妄念攀緣。浩無邊際。上二皆約廣多無際。若約絕際。妄無妄源。堅無初際。既無有始。豈得有終。故絕後際中觀論云。大聖之所說。本際不可得。生死無有始。亦復無有終。若無有始終。中當云何有。是故於此中。先後共亦無橫尋妄心。不在內外。故亦無際。是以遠公云。本端竟何從。起滅有無際。一毫涉動境。成此墮山勢。惑相更相承觸。

理自生滯。因緣雖無。王開途非一致。卽其義也。三約返本還源說。對其初義初義是總。第二約妄。唯往非來。今此唯復復本源。故斯卽靜義。故周易復卦云。復其見天地之心乎。然往者必復。故泰卦云。無往不復。天地際也。就此一義。自有往復。故文殊師利所說。不思議佛境界經中。善勝天子問文殊云。云何名修菩薩道。文殊初說雙行之行。次云。復次天子。有往有復。名修菩薩道。云何名有往有復。觀諸衆生心所樂欲。名之爲往。隨其所應。而爲說法。名之爲復。自入三昧。名之爲往。令諸衆生得於

三昧。名之爲復。自行聖道。名之爲往。而能教化一切。凡夫名之爲復。如是自得無生法。忍爲往。令諸衆生得無生法。忍爲復。自以方便出於生死爲往。令諸衆生而得出離爲復。心樂寂靜爲往。常在生死教化衆生爲復。自動觀察往復之行。爲往爲諸衆生而說斯法爲復。自修空無相無願爲往爲令衆生斷於三種覺觀心故。而爲說法爲復。堅發誓願爲往。隨其誓願拯濟衆生爲復。發菩提心願坐道場。名之爲往。具修菩薩所行之行。名之爲復。是爲菩薩往復之道。釋曰。上來十對。皆上句自利爲

往往涅槃。故下句利他爲復。復於生死。化衆生。故雖有往復。總爲返本還源。復本心矣。此中無際。亦有一義。一菩薩行海廣無際也。二一一稱真。深無際也。然上三義皆法界用矣。○二動靜一源者。法界體也。對上三義約迷悟者。動卽往也。靜卽復也。動靜迷悟。雖有一門。所迷真性。一源莫二。莫二之源。卽是體也。二對唯妄者。動卽往復有去來。故靜卽體虛。相待寂故。不釋動以求靜。必求靜於諸動。必求靜於諸動。故雖動而常靜。則動靜名殊。其源莫二。莫二之源。卽一體也。三對返本還源說。自利。

撰述

華嚴文註卷一

四

靜也。利他動也。二利相導化而無化。則不失一源爲法界體也。若對上二種無際者廣多無際。動也際卽無際。靜也。動靜無碍爲一源也。際與無際當體寂也。○三含衆妙而有餘者。法界相大也。謂杳冥之內。衆妙存焉。清淨法界。杳杳冥冥以爲能含。恒沙性德。微妙相大以爲所含。相依乎性。性無不包。故稱爲含。性體無外。相德有名。有名之數。不能遍無外之體。故云有餘。則恢恢焉猶有餘地矣。故阿僧祇品云。於一微細毛孔中不可說利次第入。毛孔能受彼諸利。諸利不能遍毛孔。卽斯義也。以

毛約稱性。利約不壞相。故廣相不能遍小性也。然此相大畧有二義。一約不空恒沙性德。此同教意。二約事事無礙。十玄之相。本自具足。卽是別教意。然衆妙兩字。亦老子意。彼道經云。道可道。非常道。名可名。非常名。無名。天地之始。有名。萬物之母。常無欲以觀其妙。常有欲以觀其微。此兩者同出而異名。同謂之玄。玄之又玄。衆妙之門。釋曰。然彼意以虛無自然以爲玄妙。復拂其迹。故云又玄。此則無欲於無欲。萬物由生。故云衆妙之門。今借其言而不取其義。意以一真法界爲玄妙體。卽體之相

爲衆妙矣。○四超言思而迥出者。融拂上三也。融則三一互收拂則三一雙寂。云何超耶。謂理圓言偏。言生理喪法無相想。思則亂生。並皆超之。故云迥出。故肇公云。口欲談而詞喪。心將緣而慮亡。則迥出於言象之表矣。何者。欲言相用。卽同體寂。欲謂體寂。相用紛然。卽一而三相不同。卽三而一體無二。三一無礙。互奪雙亡。存泯莫羈。豈言象之能至。故云迥出。又借斯亡絕。以遣言思。非有無言。可爲棲託。故下經云。雖復不依言語道亦復不着無言說。况言相本寂。亡絕亦亡。斯則言與亡言。相待

亦寂。故假迥出之稱。以拂言與亡言之迹矣。○五其唯法界歟者。結法所屬。屬法界也。謂具上諸德。獨在於法界矣。△第二。約本末釋者。此上五句。初句從本起。末卽不動真際。建立諸法。次句攝末歸本。卽不壞假名而說實相。第三句本末無礙。則性相歷然。第四句本末雙寂。則言思無寄。末句結屬通四義焉。△第三。明法界類別者。畧有三意。一者會三法界。初句事法界。次句理法界。第三句無障礙法界。第四句融拂上三。第五句結屬上三法界也。二者會四法界。往復無際。事也。動靜一源。具三

撰述

華嚴玄說卷一

義也。動卽是事。靜卽是理。動靜一源。卽事理無礙法界也。含衆妙而有餘。事事無礙法界也。超言思而迥出。融拂四法界。其唯法界歟。亦結屬四法界也。三者會五法界。往復與動。皆有爲也。靜卽無爲。一源有二。若互奪雙亡。爲一源。則非有爲非無爲。法界。若互融雙照。爲一源。則亦有爲亦無爲法界。含衆妙而有餘。卽無障礙法界。超言思而迥出。總融五法界。其唯法界歟。結屬五法界。△第四總彰立意者。所以最初敘法界者。應有問言。諸家章疏。多先敘如來爲物應生。先小後大。或無像現像。無

言示言。今何最初便敘法界。故今答云。以是此經之所宗故。又是諸經之通體故。又是諸法之通依故。一切衆生迷悟本故。一切諸佛所證窮故。諸菩薩行自此生故。初成頓說。不同餘經。有漸次故。然最後一意。正答初問。而前諸意。共成後意耳。

剖製玄微。昭廓心境。窮理盡性。徹果該因。汪洋冲融。廣大悉備者。其唯大方廣佛華嚴經焉。

第二剖製玄微下。別歎能詮。意明此經詮於法界。故難思議。文有七句。於中分四。初二句總明能詮。言玄微者。卽指法界多義也。謂幽玄微妙之旨。剖

撰述

華嚴文說卷一

十一

十一

判分裂在乎此經謂於無障礙法界。剖爲心境。門。故下句云。昭廓心境。云何剖裂。謂一真法界。本無内外。不屬一多。佛自證窮。知物等有。欲令物悟。謂義分心境。境爲所證。心爲能證。故下引裕公云。心則諸佛證之爲法身。境則諸佛證之爲淨土。則二皆所證。智爲能證。所證之境。卽大方廣能證之心。卽佛華嚴也。文中廣說。故云剖裂言昭廓心境者。心境卽上所開。昭廓卽是此經。昭者明也。照也。廓者空也。張小使大也。云何明心境耶。謂此經中。昭明顯著。若凡若聖。若因果。能觀之心。所觀之境。

無不畢備。故如出現品說佛境界。卽佛境也。說如來心。卽佛心也。諸位心境。例此可知。云何照心境耶。謂此經中。教人觀察。若心若境。如云欲知諸佛心。當觀佛智慧。佛智無依處。如空無所依。此令觀佛心也。又云若有欲知佛境界。當淨其意。如虛空。此教觀佛境也。菩薩凡夫所有心境。觀照例知。云何空廓心境耶。如云法性本空寂無取亦無見。性空卽是佛。不可得思量。卽空心境也。無取卽無境。無見卽無心。又云若有欲知佛境界。當淨其意。如虛空。遠離妄想及諸取。令心所向。皆無礙。亦空心。

境也。又云若有欲得如來智。應離一切妄分別。有無通達皆平等。疾作人天大導師。亦空心境也。云何張小使大。謂張心則無心外之境。張境則無境外之心。以隨舉其一。攝法無遺。卽無涯故。故下經云。無有智外如爲智所入。亦無如外智能證於如上句張心。下句張境也。真心真境本自無涯。卽妄同真。則張小使大矣。經云。如來深境界。其量等虛空佛境大也。又云。佛智廣大。同虛空。真心大也。知妄本自真。見佛則清淨。如心佛亦爾。如佛衆生然。心佛與衆生是三無差別。皆張妄心。卽無涯也。因

果萬法。心境普收。隨一一事。皆可張廓。○窮理盡性。徹果該因者。二有二句。別顯深廣也。理謂理趣。道理廣也。性謂法性。心性深也。若極其理趣。則盡其體性。今此經中意趣體性。皆窮究也。此借周易說卦之言。彼云窮理盡性。以至於命。昔者聖人之作易也。將以順性命之理。注云。命者生之極。窮理則盡其能也。卽以能字解性。性者能也。各任性能。若窮其理。數盡其性能。則順於天命。故次云。以順性命之理。今借語用之。取意則別。○言徹果該因者。兼於深廣。徹究五周之果。該羅六位之因。則廣

五

也故廣說地位因果莫踰此經若云因該果海果徹因源。二互交徹則顯深也初發心時便成正覺。因該果也雖得佛道不捨因門果徹因也上約廣義徹果屬果該因屬因卽明能詮之教該徹彼因果也今約深釋徹果屬因以因徹彼果故該因屬果以果徹彼因故卽因果自相該徹唯屬所詮而其能詮具明斯義然因該果海果徹因源是古人之言今欲具含深廣之義云徹果該因耳○汪洋沖融廣大悉備者三有二句結歎深廣也上句明深廣之相下句出深廣之由汪汪深貌也洋洋廣

貌也冲亦深也亦云中也亦冲和故老子云道冲而用之或似不盈融者融通兼深廣也故肇公云。汪哉洋哉何莫由之哉。八師經中梵志闍旬云吾聞佛道厥義弘深。汪洋無涯無不成就靡不度生等卽深廣義亦如冲和之氣生成萬物而不盈滿。融通萬法令無障礙言廣大悉備者卽出深廣之由以無不備故此言亦出周易繫辭彼云易之爲書也廣大悉備有天道焉有人道焉有地道焉兼三才而兩之故六六者非他也三才之道也今若取意就經亦可喻三世間天道智正覺也人道有

卷之三

華嚴經疏卷一

十一

五

情也。地道器世間也。此經廣說三世間故亦可。天道深理也。地道事相也。人道諸佛菩薩修行者也。此強配之本意。但取包含而已。謂此根本法輪之內。何法而不具。未有一事一理而不極。一因一果而不備。五周因果。則五十二位之昭彰。九會玄文。則難思教海而可覩。說真妄。則凡聖昭昭而交徹。語法界。則事理歷歷而相收。法華佛知見一偈。開示而無遺。涅槃般涅槃一章。曲盡其體用。六百卷般若。不出三天偈文。一大藏契經。並攝七字之內。是謂罄諸佛之智海。竭性相之洪源。故云廣大悉

備矣。○其唯大方廣佛華嚴經焉者，四結法所屬也。上之勝事，唯我華嚴。

故我世尊十身初滿正覺始成乘願行以彌綸渾虛空爲體性富有萬德蕩無纖塵

第三故我世尊下說王難思文有六句義分爲四
初二句標果滿故我世尊十身初滿者總標十
身該下兩段正明難思以是十身無礙佛說非三
身故而言故我者由上所詮深廣玄妙爲諸教本
故我世尊始成正覺頓說此經言十身者次下當
列言初滿者成正覺時身方滿故故經云爾時世

尊處於此座。於一切法成最正覺。智入三世。悉皆平等。其身充滿一切世間。其音普順十方國土等。是初滿也。正覺始成者。別語菩提之身。以是總故。始覺同本無復始本之異。故曰始成下當廣釋。○乘願行以彌綸者。有一句語因深也。乘因有二。一。乘願因經云。毘盧遮那佛願力周法界。二。乘行因。玉山神偈云。往修勝行無有邊等。乘昔願因。彌綸果用。卽是願身。言彌綸者。周遍包羅之義。亦出周易繫辭云。易與天地準。故能彌綸天地之道。釋曰。聖人旣準天地而作易。易中所說與天地理同。

故能彌綸天地之道。以况如來本起願行意欲周徧利物。今得如其願行之力。周徧法界。是曰彌綸。○渾虛空爲體性者。三有一句。明體玄也。然有二義。一約世尊身上自具十身。卽法身也。以法性身爲法身故。故下經云。性空卽是佛。不可得思量。又云。佛以法爲身。清淨如虛空。二者約外虛空。融三世間而爲佛身。則外虛空是虛空身。故云渾虛空爲體性。渾融無碍故。○富有萬德。蕩無纖塵者。四有二句。彰德備也。上句德無不備。下句障無不寂。萬者總相之大數也。實具無盡之德。故下經云。利

塵心念可數知。大海中水可飲盡。虛空可量風可繫。無能盡說佛功德。無盡之德總名萬德。塵沙無明種現習氣總皆斷盡。故云蕩無纖塵。總卽二障。二障有三。一現行。二種子。三習氣。習氣微細。況之纖塵。細中之細。尚無。况餘龐中之細等。若總配三德。萬德舍於智恩。下句卽是斷德。又渾虛空爲體。卽法身德。萬德卽般若德。無塵卽解脫德。萬德之句爲總。上下諸句皆是別德。上之二句。並福德身。十身之中。已具四矣。餘之六身。在後段中。

十身之中。已具四矣。餘之六身。在後段中。

湛智海之澄波虛含萬象皎性空之滿月頓落百川。

不起樹王。羅七處於法界。無違後際。暢九會於初成。
盡宏廓之幽宗。被難思之海會。圓音落落。該十利而
頓周。王伴重重極十方而齊唱。

第四湛智海之澄波虛含萬象下說儀周普文有七對卽爲七義一明所依定者如說法華依無量義處三昧說般若依等持王三昧說涅槃依不動三昧故說諸經多依三昧今說此經依何三昧卽海印三昧海印是喻從喻受名賢首品疏當廣說之今畧示其相謂香海澄渟湛然不動四天下中色身形像皆於其中而有印文如印印物亦猶

撰述

華嚴玄談卷一

三

澄波萬頃。晴天無雲。列宿星月。炳然齊現。無來無去。非有非無。不一不異。如來智海識浪。不生澄渟。清淨至明。至靜無心。頓現一切衆生心念根欲。心念根欲。並在智中。如海含像。故下經云。如海普現衆生身。以此說名爲大海。菩提普印諸心行。是故正覺名無量。非唯智現物心。亦依此智頓現萬象。普應諸類。賢首品云。或現童男童女形。天龍及以阿修羅。乃至摩睺羅伽等。隨其所樂。悉令見。衆生形相各不同。行業音聲亦無量。如是一切皆能現。海印三昧威神力。然此文中言含法喻。智即是法。

海即是喻。識浪既停。云湛智海。無心頓現。故曰虛含。能應所應。皆爲萬像。皎性空之滿月。頓落百川者。第二對明能應之身。此之兩句。唯性字是法。餘皆是喻。以性該之。皆含法喻。謂若秋空朗月。皎淨無瑕。萬器百川。不分而遍。性空即所依法體。滿月即實報智圓。百川即喻物機影落。便爲變化佛之智月。全依性空。惑盡德圓。無心頓應。故出現品云。譬如淨月在虛空。能蔽衆星。示盈缺。一切水中皆現影。諸有觀瞻。悉對前。如來身月。亦復然。能蔽餘乘。示修短。普現天人淨心水。一切皆謂對其前。

智幢菩薩偈云。譬如淨滿月。普現一切水影像。雖無量。本月未曾一。如來無碍智。成就等正覺。普現一切利佛體。亦無二。此則水亦喻利。若準離世間品。亦喻菩薩。偈云。譬如淨日月。皎鏡在虛空。影現於衆水。不爲水所雜。菩薩淨法輪。當知亦如是。現世間心水。不爲世所雜。亦以月喻所說法。上皆空月不同。若以相歸性。則空亦名佛。故一切慧菩薩云。法性本空寂。無取亦無見。性空即是佛。不可得。思量。則空色照水影落晴天。天猶空也。○不起樹王。羅七處於法界者。第二明說經之處意。取七處。

故言樹王者。卽菩提樹。謂畢鉢羅樹。此樹高聳。特出衆樹。故稱爲王。言不起者。謂不起菩提樹而昇。忉利天等。故下經云。爾時世尊。不離一切菩提樹下。而昇須彌頂。向帝釋殿法慧菩薩偈云。佛子汝應觀。如來自在力。一切闇浮提。皆言佛在中。我等今見佛。住於須彌頂。十方悉亦然。如來自在力。三天皆有不起而昇之言。故彼成四句。一不起一切菩提樹而昇一天。如前經文。二不起一處而昇一切處。三不起一處而昇一處。四不起一切處而昇一切處。一四兩句。取其結例之文。謂十方悉亦然。取

撰述

華嚴文說卷一

三

前一切閻浮提。對一切忉利亦然。則是第四句。但取一閻浮提。對一切忉利。是第二句。其第三句。易故文無義必合有。是則不起法界菩提樹遍昇法界七處。今言羅七處於法界者。畧有二意。一令遍法界中皆有七處。二令一一處皆遍法界。且初義者。若約自狹之寬說遍。應如下說。處中十重之內。遍於中入。以初一是能遍七處。十是例餘佛故。然下十重。是約佛遍於處。今明處遍於處。自有二義耳。所依之處既遍法界。能依之身居然遍也。今直就遍法界言。畧有五重。一遍法界同類刹中。皆有七

處。二遍法界異類刹中七處。三遍法界微塵刹中。亦有七處。四遍法界虛空容塵之處。亦有七處。五遍法界帝網刹中。亦有七處。二令一一處遍者。如菩提場遍法界。則普光中亦有菩提場。忉利天中亦有菩提場。夜摩兜率等七處。一一皆有菩提場。如遍七處。亦遍非七處之處。如化樂四王色界十八等非說經處。今菩提場亦皆遍滿。如菩提場既遍法界。其餘六處。一一皆遍六處。乃至法界。此亦有五。一遍一一同類刹。一遍異類刹。三遍法界塵。四遍虛空容塵之處。五遍法界帝網刹。更細而論。

非但一一處遍隨一一塵皆遍法界五重之處。是則一處中有一切處。上一重釋遍皆遍五類。五類之中。前三約事法界。次一通事理。理空事空故。後一事事無礙法界。由事卽理事。理無礙故。以理融事。遍於重重。皆是如來說經之處。○無違後際。暢九會於初成者。四明說經時卽始成正覺時。然有兩說。各是一師之義。以無違兩字會通。謂菩提流支。則以前五會是初成卽說。以經初云始成正覺故。三天皆云不起而昇。第六會已下。是第二七日後說。以別行十地經初二云。婆伽婆成道未久。第二

七日故。例此則第九一會在後時說。以有身子祇園等故。賢首則以初成頓說九會之文。今疏會云。賢首旣指歸云。常恒之說前後際而無涯。則在後時無過故。云無違後際。後際卽通第九會。在後時說。故不妨後際。而宣暢九會。在於初成。上來分於三時。約所表故。初成頓演。約圓融故。又分三時者。以法就機故。能頓說者。約佛德能。能頓演故。以初後相卽。故無違後際。不妨初成頓彰九會。經云。一念卽無量劫。無量劫卽一念。故晉經十住品云。過去無量劫。安置未來今。未來無量劫。廻置過去世。

非長亦非短。解脫人所行。多劫不乖刹那。初成豈妨後際。上之二段廣如教緣中辨。○盡宏廓之幽宗。被難思之海會者。五明所被衆也。然上句畧明經義以爲能被。義在旨趣之中。今爲成所被故。畧舉能耳。宏者大也。廓者空也。幽者深也。下句被難思之海會。卽是所被。言海會者。以深廣故。謂普賢等衆德深齊佛數。廣利塵故。稱爲海深超情表。是不可思。數廣難量。亦不可思。卽深而廣。不可作深思。卽廣而深。不可爲廣思。眞應權實類例多端。又不可思。該徹果海。尤不可思。故初會云。有十佛刹不可思。該徹果海。尤不可思。故初會云。有十佛刹。

微塵數菩薩所共圍遶。畧列四十二衆。皆以刹塵無量而爲其量。况口光所召。一一菩薩各領世界。海微塵數菩薩以爲眷屬來至此會。毛光重現周入刹塵依正作用。該攝三際諸大菩薩尚不能思。豈況凡情測其涯際。故云難思之海會。○圓音落落。該十刹而頓周者。六明說經本也。本卽圓音。落落者。疎遠聲也。十刹者。謂樹形等異類之刹。經列二十。結有十佛刹塵舉十以彰無盡。故云十刹。圓音之義。下當廣說。畧而言之。一音之中。具一切音。名曰圓音。一切音聲。卽是一音。亦名一音。一多無

凝總曰圓音經云佛演一妙音周聞十方國衆音悉具足法雨皆充遍一切言詞海一切隨類音一切國土中恒轉無上輪皆圓音義也十刹齊聞無有前後故名爲頓法界十刹無所不聞故名曰周○主伴重重極十方而齊唱者七別敘說儀也謂是通方之說舉一爲主十方爲伴諸佛菩薩皆有主伴遙互相望盡於十方隨一爲主十方爲伴隣次相壓故曰重重然相難明今復畧示言諸佛菩薩皆有主伴者畧有三句一果主果伴謂遮那爲王十方佛爲伴十方佛爲主遮那爲伴二因主因王十方佛爲伴十方佛爲主遮那爲伴三因主因王十方佛爲主遮那爲伴

撰述

華嚴玄說卷一

十一

五

便爲十重王伴。如一佛旣専。佛主菩薩伴亦然。因主旣爾。因伴亦然。此一義中。自有三義。二者如遮那。一佛爲主。十方菩薩爲伴。王佛旣徧。伴亦隨徧。謂遮那處普光堂。東方十佛利塵數界外有金色世界文殊而來爲伴。十方菩薩皆去十刹而來。若此王佛向東一界。坐蓮花座。金色文殊來亦不相近。還去十佛利塵數外。如長空明月。列宿圍遶。萬器百川。星月炳現。月如王佛。列宿如伴。一一水中遠近皆現。義當金色近東一界。其西蓮花色世界財首菩薩。亦移近東一界。餘之八方。皆移近東一

界。如是王佛至東十佛利塵數界外。坐蓮藏師子之座。正當本金色界處。由王佛至彼其金色界。近東亦十佛利塵數界外。其西方蓮花色世界。正當娑婆之處。如是王佛極於東方。金色等伴。利亦極東方。終不見文殊從西向東來。近王佛。亦不見文殊從佛前過。向西近佛。如是王佛極於西方。亦不見有西方菩薩從東過西來。近王佛。十方皆専。如人以十錢布地。錢心爲王。錢緣爲伴。第一錢當中。以第二錢壓第一錢上。近東一緣之地。則開元通寶等。皆近東一緣之地。如是錢錢重重相壓。皆漸

近東。如近東旣亦更十錢。近西亦然。說一十信。則已重重周於十方。如是第三會說十住時。亦如說信。重重徧於十方。行向地等皆然。則九會爲九重重。如第一會重重徧法界。第二會重重還在第一會重重之上。則九會自爲九箇重重。若四十八會爲四十八重重。若無盡會。有無盡重重。此一佛爲主。餘菩薩爲伴。重重如是。十方佛爲主。十方諸菩薩爲伴。重重亦然。如是諸佛重重。復互相徧。故云主伴重重極十方而齊唱。餘義至教起因緣中辨。△然上七對有其六身。初所依海印三昧。卽是智。

身。湛智海故。二說法之身爲化身。謂如水分千月。故二說經處。是意生身。隨意徧於法界處。故四說經時。卽力持身。持令永久。故五被海會。卽威勢身。菩薩衆中。威光赫奕故。六圓音。七主伴。皆相好莊嚴身。圓音卽一相。主伴卽坐蓮花藏師子之座。具相好故。此段有六敎。王難思已有四身。十身具矣。意云十身初滿。卽說此經。然疏本意。正示說儀等異。含具十身。故有三兩身名。不全昭著。雖空空絕跡。而義天之星象燦然。湛湛亡言。而敎海之波瀾浩瀚。若乃千門潛注。與衆典爲洪源。萬德交

歸攝羣經爲眷屬。

第五雖空空絕跡下言該本末也文有兩意
理事相望。二諸教相望。今初也亦是遞於伏
難。恐有難言。夫大象無形。大音無聲。希微絕朕難。
思之境。豈有形言者哉。則心絕動搖。言亡戲論。自
入真趣。何用廣陳言相。翻欲擾人。故今釋云。非言
何以知乎。無言。非相何以顯乎。無相。十恐品云。了
法不在言。善入無言際。而能示言說。如響徧世間
斯則以言顯無言也。又云。佛以法爲身。清淨如虛
空。所現衆色形。令人此法中。斯則以相顯無相也。

又云。色身非是佛。音聲亦復然。亦不離色聲。見佛神通力。具上二也。法華亦云。諸法寂滅相。不可以言宣。以方便力故。爲五比丘說。斯亦以言顯無言也。金剛經云。若見諸相非相。則見如來。亦以相顯無相也。淨名云。夫說法者。無說無示。不言不說。故云。當如法說。又云。無離文字說解脫也。又云。雖知諸法不生不滅。而以相好莊嚴其身。雖知諸佛國及以眾生空。而常修淨土。教化諸羣生等。皆是言與無言。相與無相。不相離也。十住品云。欲以寂靜一妙音。普應十方隨類演。如是皆令淨明了。菩薩

以此初發心。一切衆生語言法。一言演說無不盡。悉欲了知其自性。菩薩以此初發心。世間言辭靡不作。悉令其解悟寂滅。欲得如是妙舌根。菩薩以此初發心。皆卽言無言。其文非一。今疏文中。但畧明其無碍之義。文有二對。初對無相不碍。相後對無言不得言。今初對也。雖空空絕跡者。法性本空。空無諸相緣生之法。無性故空。復有何相。借空遣有。有去空亡。故曰空空淨名云。唯有空病。空病亦空中論云。諸佛說空法爲除於有見。若復見有空。諸佛所不化。故知非有非無也。非有卽空。非無卽

空空也。經云。無中無有一。無二亦復無三。界一切空。是則諸佛見此卽空空也。次云。凡夫無覺解。佛令住正法。諸法無所住。悟此見自身。則空亦無所住矣。又上無中無有一。空也。無二亦復無空空也。三界一切空成真空也。又廻向品云。法性本無二。無一亦復無。皆空空也。言絕迹者。空有斯絕。心行處滅。行處滅故。跡不可尋。謂若有可有。則有無可無。今無有可有。亦無無可無。以無遣有。無卽是跡。以空遣空。空亦是跡。以有遣故。遣之又遣之。以至於無遣。若以無遣無。無遣亦是跡。有所得故。如

撰述

華嚴玄談卷一

鳥履沙。若無所得。當句卽絕。故出現品云。了知諸法性寂滅。如鳥飛空無有跡。故云空空絕跡。以空空不碍於相。故致雖言雖字。生下義天之星象燦然也。謂依於晴空。不碍星象燦爛。晴空卽是義天。依第一義天。不碍法門星象。又以不碍星象方知是空。不碍法門爲真第一義空矣。上卽以空爲本法門爲末也。○湛湛亡言。而教海之波瀾浩瀚者。二約無言。不得言也。則以無言爲本。言卽爲末。湛湛者。海水澄凝之相。意明動依於靜。無言不碍於言。故下經云。雖復不依言語道。亦復不著無言說。

若碍於言。則身子被訶。不碍於言。則文殊攸讚。况文字性離。卽言亡言。故雖無言。而教海之中。波瀾浩瀚。大波曰瀾。是以佛證離言。流八音於聽表。法本非說。演大藏於龍宮。故知至趣非遠。心行得之。則甚深。言象非近。虛懷體之而目擊。言絕之理。而非絕繁興玄籍。而非典。卽言亡言也。融常心言。無所遺矣。○若乃千門潛注。與衆典爲洪源下。諸教相對而論本末。卽以華嚴爲根本法輪。文有兩對。上對爲開漸之本。謂千門異義。潛注衆經。如海潛流四天下地。有穿鑿者。無不得水。則知衆流依海。

撰述

華嚴玄談卷一

西

水故海爲衆水之源。華嚴爲諸教之源矣。下對爲攝末本。則萬德交歸。若百川歸海。海能普收。卽爲其本。故昔人云。九流於是乎交歸。衆聖於是乎冥會。彼約會歸涅槃。此約會歸法界。故地論云。無不從此法界流無不還證此法界故。故法華云。於一佛乘分別說三。一乘卽是三乘之本。一佛乘者。卽華嚴也會三歸一。卽攝末歸本。故第五經云。始見我身。聞我所說。卽皆信受。入如來慧。卽指華嚴爲根本也。除先修習學小乘者。卽所流也。我今亦令得聞是經。入於佛慧。卽攝末歸本也。是經卽是法華。法華攝於餘經歸華嚴矣。是則法華亦指華嚴爲根本矣。其義分明。餘如下說。

其爲旨也。冥真體於萬化之域。顯德相於重玄之門。用繁興以恒如。智周鑒而常靜。

第六其爲旨也。下旨趣玄微於中有二。先明理事無碍。後顯事事無碍。雖此經中廣說於事及說於理而皆無碍。故以無障礙法界而爲旨趣。此門卽義分齊中意。就初理事無碍中二。先示三天。後融真妄。

前中問曰。初往復無際等。已明二大。今何重說。答。

畧有三義。與前不同。一前直就法界宗上約義以明三大。今約能詮經中具說三大故不同也。二前辨三大之相。今明三大所在體在何處所謂萬化等。三前明三大融拂爲成已宗。此明三大互在爲遮異釋意。辨不相捨離爲無碍義。如昔人云其爲體也。則不生不滅無去無來。以不滅爲無生。以不生爲無滅等。其爲相也。則同異類之殊體。微細容持。同異類之別質。展轉重現。微細之理難見。况之以芥錙重現之理易觀。喻之以帝網其爲用也。則不分而遍。不去而臻。一多大小而互爲延促。靜亂

而相在等。斯則別顯三大之相。今但明其不離。則是深玄。名理事無碍。○初句明體體在萬化之中。非事外也。故云冥真體於萬化之城。冥謂冥契。亦是冥寂萬化乃事法之總名。故曉公起信疏序云。原夫大乘之爲體也。翛然空寂。湛然冲玄。玄之又玄。豈出萬象之表。寂之又寂。猶在百家之談。非象表也。五目不能覩其容。在言裏也。四辨莫能談其狀。釋曰。此明真體與一切法非一非異。今疏但云無碍。則與諸法非一異矣。故肇公云。道遠乎哉。觸事而真。亦體卽萬化矣。○顯德相於重玄之門。明

九

相不碍體也。重玄卽是理體。明德相祇在體上。若離體有相。相非玄妙。勝德之相亦爲德。相言重玄者。亦卽空空語。借老子玄之又玄。衆妙之門。彼有名無名。同謂之玄。河上公云。玄者天也。天中復有天。莊子云。天卽自然。則自然亦自然也。御注云。玄深妙也。猶恐執玄爲滯。不至兼忘。故寄又玄以遣之門。今以空空之中。無德不備耳。○用繁興以恒。如者。明用。用不離於體相。故繁多興起而常卽如。上體相用三。不相捨離。皆是所證所觀。○智周鑒

而常靜者。卽能證能觀。若當句明。卽止觀無碍。周鑒觀也。理事徧觀。常靜止也。惑相皆寂。亦權實無碍。周鑒權也。常靜實也。對上三句爲境智無碍。由所觀境旣體用無碍。故能觀智亦寂照雙流。若別對三大。則各具體用。皆有止觀。如體上冥真體體。體也。止也。萬化之域用也。觀也。顯德相觀也。重玄門止也。用繁興觀也。以恒如止也。若作三觀釋者。以智鑒體空觀也。鑒用假觀也。鑒相中觀也。三諦齊觀。故云周鑒。對此三觀常靜之上。亦有其三。一體真故靜。二方便隨緣無取故靜。三離二邊分別故

撰述

華嚴玄談卷一

三

五

靜三止三觀融爲一心契同三諦無碍之理則心
境融卽而常歷然。

真妄交徹卽凡心而見佛心事理雙修依本智而求
佛智。

真妄交徹下融真妄也文有二對初對正明雙
融真謂理也佛也妄謂惑也生也亦生死涅槃言
交徹者謂真該妄末妄徹真源故云交徹如波與
濕無有不濕之波無有離波之濕亦合言卽聖心
而見凡心如濕中見波故如來不斷性惡又佛心
中有衆生等若依此義合云真妄交徹凡聖互收

今不尅者若約理融實卽真妄互有今約有不壞
相但明凡卽同聖以卽真故而聖不同凡無煩惱
故如波卽濕而濕未必卽波有靜水故故靜水說
波有動之性無動之事如波中說濕動濕俱有又
說凡卽是佛於凡有益佛卽是凡令人妄解是故
但云卽凡心而見佛心耳然其真妄所以交徹者
不離一心故妄攬真成無別妄故真隨妄顯無別
真故真妄名異無二體故真外有妄理不偏故妄
外有真事無依故然或說妄空真有或說妄有真
空俱空俱有雙非兩是雖有多端並皆交徹此義

云何。且說真妄。自有二義。一約三性說。圓成是真。遍計爲妄。依他起性通真。通妄。淨分同真。染分爲妄。二約二諦說。真諦爲真。俗諦爲妄。二諦多門下。當廣說。今且約理事二門。理爲真。諦爲眞。事爲俗。諦爲妄。設淨分之事。妄未盡故。如唯識論。約遍計爲妄。則妄空真有。若染分爲妄。則真妄俱有。若涅槃說空者。所謂生死不空者。謂大涅槃。則依他染分爲空。淨分圓成皆有。若依三論。以世諦故有。真諦故空。若以妄爲俗諦。以真爲真諦。則妄有真空。若約隨俗說二諦。則真妄俱空。若約真妄通二諦。

則真妄俱通空有。若約觸物皆中。則真妄俱非空有。言並皆交徹者。約宗以明。唯識等宗不得交徹。今就華嚴。則前諸義皆得交徹。以具前卽一心等義。故如約遍計爲妄者。情有卽是理無。妄徹真也。理無卽是情有。真徹妄也。若染分依他爲妄者。緣生無性。妄徹真也。無性緣成。真徹妄也。若約生死涅槃說者。生死卽涅槃。妄徹真也。涅槃卽生死。真徹妄也。故中論云。生死之實際。卽是涅槃際。涅槃之實際。卽是生死際。如是二際者。無毫釐差別。卽交徹也。此經云。有諍說生死。無諍說涅槃。生死及

三

三

論以妄爲俗諦。以真爲眞諦。言交徹者。卽俗而真。卽真而俗故。故影公云。然統其要歸。則會通二諦。以真諦故無有。俗諦故無無。眞故無有。則雖無而有。俗故無無。則雖有而無。雖有而無。則不累於有。雖無而有。則不滯於無。乃至云寂此諸邊。故名中道。卽真妄交徹也。眞故無有。則雖無而有。則真徹妄也。俗故無無。則雖有而無。則妄徹眞也。餘可思準。若約隨俗說。眞妄本虛。居然交徹。眞妄皆眞。則本末一味。居然交徹。若觸物皆中。居然交徹。問真妄相乖。其猶水火。何得交徹。答此有多義。一眞妄二法同一心。故以一貫之。故得交徹。故起信論云。依一心法。有二種門。一心真如門。一心生滅門。然此二門。皆各總攝一切法。盡以此二門。不相離。故云不離一心。故得交徹。二妄攬眞成無別妄。故亦是起信論勝鬘等意。眞如隨緣成一切法。眞徹妄也。眞隨妄顯。無別眞故。妄徹眞也。若無有妄。對何說眞。如無緣生。則無無性故。三眞妄名異。體無二故。如向所引。有諍說生死。無諍說涅槃等。俱不可得。則體無二也。故下經云。若逐假名字。取著此

二法顛倒非實義不能見正覺明以無二爲實也。豈非交徹四真外有妄理不偏故下反成二義此句真徹妄五妄外有真事無依故卽妄徹真也。此亦法性宗義。一切法皆如。豈妄外有真真如偏一切。豈真外有妄是知真妄常交徹亦不壞真妄之相。則該妄之真真非真而湛寂徹真之妄妄非妄而雲興。○事理雙修。依本智而求佛智者。一不得兩存上來交徹不碍之義。恐人誤執謂泯二相故舉此言亦由惑者執禪則依本性無作無修。鏡本自明不拂不瑩執法則須起事行當求如來依他

勝緣以成己德並爲偏執故此雙行依本智者約理而說無漏智性本具足故而求佛智者約事而論無所求中吾故求之心鏡本淨久翳塵勞恒沙性德並埋塵沙煩惱是故以順法性無慳貪等修檀施等故諸佛已證我未證故又理不得事不妨求故事不得理求卽無求故若此之修名曰無修無修之修修卽無修爲真修矣。

理隨事變則一多緣起之無邊事得理融則千差涉入而無礙。

理隨事變則一多緣起之無邊事得理融則千差涉

礙法界爲經旨趣義分齊中。當廣分別。今但畧明亦分爲二。

初一對明無碍所由。所以事事不同而得無碍者。以理融事故。初句明依理成事故。一與多互爲緣。起此猶是事理無碍。躡前起後。故舉之耳。由事理無碍。方得事事無碍。若事不卽理事。非理成則互相碍。今由卽理。故得無礙。下句以理融事故。云事得理融。則千差涉入而無碍。此正辨事事無碍所。以由上事攬理成。則無事非理。故以理融事理。旣融通事亦隨尔。故得千差涉入而無碍。由卽事故。

故有千差爲理融。故重重涉入。卽十所以中理性融通門也。餘至下明。

故得十身歷然而相作。六位不亂以更收。廣大卽入於無間。塵毛包納而無外。炳然齊現。猶彼芥餅。具足同時方之海滴。一多無碍。等虛室之千燈。隱顯俱成。似秋空之片月。重重交暎。若帝網之垂珠。念念圓融。類夕夢之經世。法門重疊。若雲起長空。萬行芬披。比花開錦上。

故得十身歷然而相作下。正顯無碍之相。具十玄門。以隨文便故。小不次。如下次第者。一。同時具足。

相應門。二廣狹自在無碍門。三。多相容不同門。四諸法相卽自在門。五祕密隱顯俱成門。六微細相容安立門。七因陀羅網境界門。八託事顯法生解門。九。十世隔法異成門。十。王伴圓明具德門。今文之次在文可知。唯王伴一門前說儀中文理已具。故不重出諸藏純雜。今古名異。今文重出。故亦有十門。今初卽諸法相卽自在門。文有兩句。上句總明三世間相卽。故得十身歷然而相作。言故得者由前事得理融之故。便得具下十種玄門。故得二字。文雖在初。義貫下十。言十身者。卽八地云。

此菩薩遠離一切身相分別。住於平等。此菩薩知衆生身國土身業報身。聲聞身獨覺身。菩薩身。如來身。智身。法身。虛空身。言相作者。卽次經云。此菩薩知諸衆生心之所樂。能以衆生身作自身。亦作國土身。業報身。乃至虛空身。又知衆生心之所樂。能以國土身作自身。亦作衆生身。業報身。乃至虛空身。又知衆生心之所樂。能以自身作衆生身。國土身乃至虛空身。隨諸衆生所樂不同。則於此身現如是形。釋曰。上四別

撰述

聖嚴文書卷一

顯末後結例卽十身相作也。言歷然者。不壞相故。壞相而作。非不思議。其猶芥納湏彌。本相如故。故下七十七經云。是以一刹入一切刹而不壞其相者之所住處。又云是以一佛入一切佛而不壞其相者之所住處等。五十六經云。所謂以衆生身作刹身。而亦不壞衆生身。是菩薩遊戲。以刹身作衆生身。而亦不壞於刹身。是菩薩遊戲。如是佛身與二乘身相作。菩薩行身與成正覺身相作。於涅槃示生死等。皆不壞其相。故云歷然而相作。言六位不亂。以更收者。六位卽三賢十聖等妙二覺。則因

果皆悉相攝。如初發心便成正覺。不壞初心之相。若無初心。何名初心便成正覺。故十信攝於諸位。諸位十信歷然。十住攝於諸位。諸位十住不亂。不亂卽行布。更收卽圓融。如下說因中辨。此句亦是相入門下有相入。故此一句。但爲相卽。如乳投水。廢已同他。故名相卽。○廣大卽入于無間。塵毛包納而無外者。第二廣狹自在。無碍門上句。大能入於小。下句小能含大。雖有卽入意。取廣狹無間。謂小。小之則無內。以無內故。無有中間。無外謂大。大之則無外。無外卽是廣大之身利。卽入無內之塵

毛。故名廣狹無碍。若卽若入。皆得廣狹無碍。晉經云。金剛圍山數無量。悉能安置一毛端。欲知至大有小相。菩薩以是初發心。至大有小相。卽廣狹無碍也。又云能以小世界作大世界。以大世界作小世界等。○炳然齊現。猶彼芥餅者。第三微細相容。安立門。一能含多。卽曰相容。一多不雜。故云安立。炳者明也。微細有三。一。所含微細。如瑠璃餅。盛多芥子。炳然齊現。不相妨碍。非前非後。此卽如來不思議境界。經說然有兩本。一本云白芥子。一本則但云芥子。今依此本。謂一法稱性。含容皆盡。故一

切法隨所依理。現在一中。亦緣起實德無碍自在。致使相容。非天人所作。乃實德安立。如八相中。一相內卽具八相。名爲微細。二約能含微細。三約難知微細。具足同時。方之海滴者。第四同時。具足相應門。如大海一滴。卽具百川之味。十種之德。故隨一法攝無盡法。及下九門。以此一門爲其總。故同時則明。無先後。具足則所攝無遺。言十德者。十地經云。一次第漸深。一不宿死屍。三餘水入中。底七廣大無量。八大身所居。九潮不過限。十普受。

撰述
華嚴玄說卷一

三

五

大雨。涅槃經云。如人入大海浴。則爲已用諸河之水。稱此而修。一行之內。德不可盡。○一多無碍。等虛室之千燈者。第五。一多相容不同門。由一與多互爲緣起。方用交徹。故得互相涉入。是曰相容。不壞其相。故云不同。如一室內千燈並照。燈隨蓋異。一一不同。燈隨光徧。光光涉入。常別常入。經云。一中解無量。無量中解一。了彼互生起。當成無所畏。此之燈喻。亦喻相卽直就光看。不見別相。唯一光故。○隱顯俱成。似秋空之片月者。第六。祕密隱顯俱成門。如八九夜月。半顯半隱。正顯卽隱。正隱卽

顯。不同晦月。隱時無顯。不同望月。顯時無隱。以一攝多。則一顯多隱。以多攝一。則多顯一隱。一毛攝法界。則餘毛法界皆隱。餘一一毛互相攝入。隱顯亦然。然其半月。非但明與暗俱。而明下有暗。暗下有明。如東方入正定爲一半明。西方從定起爲一半暗。而東方入處。卽於東起。如明下有暗。西方起處。卽於西入。如暗下有明。故稱祕密隱顯俱成門。○重重交映。若帝網之垂珠者。第七。因陀羅網境界門。如天帝殿珠網覆上。一明珠內。萬像俱現。諸珠盡然。又互相現影。影復現影。重重無盡。故千光

萬色雖重重交映而歷歷區分亦如兩鏡互照重
重涉入。傳曜相寫。遞出無窮。○念念圓融。類々夢
之經世者。第八十世隔法異成門。卽離世間品。菩
薩有十種說三世。謂過去說過去。過去說現在過
去說未來。現在說過去。現在說平等。現在說未來。
未來說過去。未來說現在。未來說無盡。三世說一
念。前九爲別。一念爲總。故名十世。以三世相因。互
相攝故。一念具十。以顯無盡故。一念卽無量劫。解之卽一
量劫。卽一念。普賢行品云。無量無數劫。解之卽一
念知。念亦無念。如是見世間。如一夕之夢。經於數

世攝論云。處夢謂經年。覺乃須臾頃故時。雖無量攝在一剎那。離世間品云。如人睡夢中。造作種種事。雖經億千歲。一夜未終盡。故莊生一夢。身爲蝴蝶。注云。世有假寐而夢經百年者。然事類廣矣。○法門重疊。若雲起長空者。第九託事顯法生解門。言重疊者。意顯一多不相碍。故隨一事法。有多法門。以隨一事。卽是無盡法界。法界無盡。故事亦無盡。廻向品云。此花卽從無生法忍之所生起等。意明一切因生一果。一果卽具一切因故。非是託此別有所表也。○萬行芬披比華開錦上者。第十諸

藏純雜具德門。至相十玄中有此名也。然有一意故賢首改爲廣狹自在無碍門。一者若以契理爲純萬行爲雜。則是事理無碍。非事事無碍。設如菩薩大悲爲純。盡未來際唯見行悲。餘行如虛空。若約雜門。卽萬行俱修者。此二門異。亦不成事事無碍。二者如一施門。一切萬法皆悉名施。所以名純而此施門。卽具諸度之行。故名爲雜。如是純之與雜。不相障礙。故名具德。則事事無碍。義成。而復一中具諸度。諸度存卽名相入門。若一卽諸度。復似相卽門。故不存之。改爲廣狹。今以至相但約行爲

小異。此段畧無主伴。故復出之。以成十義耳。言比花開錦上者。意取五采相宣。花色雖異。一一之線皆悉通過。通喻於純。異。喻於雜。故常通常異。名爲無碍。不同繡畫。但異不通。上之十玄。畧陳大格。廣如下義分齊中。

若夫高不可仰。則積行菩薩。曝鯤鱗於龍門。深不可窺。則上德聲聞。杜視聽於嘉會。

若夫高不可仰則積行菩薩曝鰐鱗於龍門下。第
七成益頓超文有十義初有二義總顯高深明權
小莫測後八正明成益徧益頓圓又前二高深反

顯成益明。權小莫測。由昔無因。反勸衆生。令信仰故。後八順顯成益。謂能頓能圓。令必受故。

今初中一明高遠若泰華倚天峩峩拂漢難仰其
頂故論語云仰之彌高鑽之彌堅積行菩薩者出
現品云設有菩薩於無量百千億那由他劫修行
六波羅蜜修習種種菩提分法若未聞此如來不
思議大威德法門或時聞已不信不解不順不入
不得名爲真實菩薩以不能生如來家故若得聞
此如來無量不可思議無障無碍智慧法門聞已
信解隨順悟入當知此人生如來家等如魚登龍

門若得登者卽化爲龍。如入華嚴之機也。若登不過者。曝鰐鱗於龍門之下。如彼假名菩薩。卽權教次第修者。深不可窺。則上德聲聞。杜視聽于嘉會。第二彰深妙者。卽法界品初舍利弗等五百聲聞。彼歎德云。悉覺真諦。皆證實際。深入法性。永出有海。依佛功德。離結使縛。住無碍處。其心寂靜。猶如虛空。於諸佛所。永斷疑惑。於佛智海。深信趣入。釋曰。卽上德也。在逝多林。如來嘉會。而不見聞。名杜視聽。杜猶塞也。在目曰視。在耳曰聽。雖在會下。如聾如盲。故云杜視聽也。故經云。爾時上首諸大

卷之三

國朝詩卷

卷之三

三

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8

聲聞舍利弗大目犍連摩訶迦葉離波多須菩提阿毘樓駄難陀劫賓那迦旃延富樓那等諸大聲聞在逝多林皆悉不見如來神力如來嚴好如來境界如來遊戲如來神變如來尊勝如來妙行如來威德如來住持如來淨刹亦復不見不可思議菩薩境界菩薩大會菩薩普入菩薩普至菩薩普詣菩薩神變菩薩遊戲菩薩眷屬菩薩方所菩薩莊嚴師子之座菩薩宮殿菩薩住處菩薩所入三昧自在菩薩觀察菩薩頻申菩薩勇猛菩薩供養菩薩受記菩薩成熟菩薩勇健菩薩法身清淨菩薩智身圓滿菩薩願身示現菩薩色身成就菩薩諸相具足清淨菩薩常光衆色莊嚴菩薩放大光明寶網菩薩起變化雲菩薩身徧十方菩薩諸行圓滿如是等事悉皆不見何以故善根不同故本不修集見佛自在善根故本不讚說十方世界一切佛利清淨功德故本不稱歎諸佛世尊種種神變故本不於生死流轉之中發阿耨多羅三藐三菩提心故本不令他住菩提心故本不能令如來明不見等卽杜視聽也何以故下釋不見因劣者

不見猶未爲深。上德不知方知玄妙。

見聞爲種。八難超十地之階。解行在躬。一生圓曠劫之果。師子奮迅。衆海頓證於林中。象王廻旋。六千道成於言下。啓明東廟。智滿不異於初心。寄位南求。因圓不踰於毛孔。剖微塵之經卷。則念念果成盡衆生之願門。則塵塵行滿。

見聞爲種。八難超十地之階下。文有八段。正顯成益圓徧之相。此第一段。明見聞益亦名爲種益。卽隨好品地獄天子三重頓圓及初地云。雖在海水劫火中。堪受此法。必得聞其有生疑不信者。永不

得聞如是義。不信不聞。翻顯信聞則成利益。海水是龍畜生趣攝劫火是天火災及初禪生在二禪。光音等天長壽天難於此得聞。兼上地獄天子已有一難。佛會神鬼亦聞三金足矣。火災之時。兼佛前佛後人天道異。已兼辯聰。亦不揀北洲聾者。目視盲者耳聞八難具矣。皆容聞經爲種之義。超十地之階。正在地獄天子舉重攝輕。阿鼻地獄尚得頓圓。忝在人流。豈不留聽。故隨好光明功德品。佛告寶手菩薩言。佛子。菩薩足下有千輻輪相。名光明普照王。此有隨好。名圓滿王。常放四十種光明。

中有一光。名清淨功德能照億那。由他佛利微塵數世界。隨諸衆生種種業行。種種欲樂。皆令成熟。阿鼻地獄極苦衆生。遇斯光者。皆悉命終生兜率天。既生天已。天鼓發聲廣爲說法。乃至云爾。時諸天子聞說普賢廣大迴向。得十地故。獲諸力莊嚴三昧故。以衆生數等清淨三業。悔除一切諸重障故。卽見百千億那。由他佛利微塵數七寶蓮花。一花上。皆有菩薩結跏趺坐。放大光明等。乃至以華散菩薩上。又云。其諸香雲。普雨無量佛利微塵數世界。若有衆生身蒙香者。其身安樂。乃至云滅。

八萬四千諸煩惱結云。如是知已。成就香幢雲自
在光明清淨善根。釋曰。此卽一重得十地。次云。若
有衆生見其益者。種清淨金網轉輪王一恒河沙
善根。釋曰。此卽第二重得十地也。後文云。是菩薩
摩訶薩住清淨金網轉輪王位。放摩尼髻清淨光
明。若有衆生遇斯光者。皆得菩薩第十地位成就。
無量智慧光明。得十種清淨眼乃至十種清淨意。
具足無量甚深三昧。釋曰。此卽第三重得十地也。
○解行在躬。一生圓曠劫之果者。第二解行益。七
十八經慈氏讚善財云。餘諸菩薩。經於無量百千

撰述

華嚴一言卷一

四

三

萬億那由他劫。乃能滿足菩薩願行。乃能親近諸佛菩提。此長者子於一生內能淨佛刹。能化衆生。則以智慧深入法界。則能成就諸波羅蜜。則能增廣諸菩薩行。則能圓滿一切大願。則能超出一切魔業。則能承事一切善友。則能清淨諸菩薩道。則能具足普賢諸行。及大威光太子。亦是一生圓多劫之果。上二皆明證速。又此經宗明二生圓滿。一見聞生。二解行生。卽上二句。三證人生。卽下二句。○師子奮迅衆海頓證于林中者。第二頓證益也。第六十經初云爾時世尊知諸菩薩心之所念。大

悲爲首。以大悲法而爲方便。充徧虛空。入師子頻申三昧。舊經云奮迅。奮迅之義就師子說其義便故。至第六十一經初。普賢開發後。如來眉間放光照。故時逝多林菩薩大衆悉見一切盡法界虛空界。一切佛刹。一一微塵中。各有一切佛刹。微塵數諸佛國土。種種名種種色。種種清淨。種種住處。種種形相。如是一切諸國土中。皆有大菩薩坐於道場。師子座上。成等正覺。菩薩大衆前後圍遶。諸世間主。而爲供養等。乃至云是故。皆得入於如來不可思議甚深三昧。盡法界虛空界大神通力。或入

法身。或入色身。或入往昔所成就行。或入圓滿諸波羅蜜。或入莊嚴清淨行輪。或入菩薩諸地。或入成正覺力。或入佛所住三昧無差別大神變。或入如來力無畏智。或入佛無碍辨才海。卽頓證林中廣說以十能入。入此所入。○象王廻旋六千道成于言下。卽第四超權益。卽六十一卷末會之初。六千比丘會。身子令六千比丘觀文殊十德六千請往。欲見文殊。身子令見。爾時文殊師利童子無量自在菩薩圍遶。并其大眾。如象王廻觀諸比丘。故云象王廻旋。言六千道成於言下者。比丘興願文。

殊令發十種無疲厭心。時諸比丘聞此法已。則得三昧。名無碍眼。見一切佛境界。得此三昧故。悉見十方無量無邊一切世界。諸佛如來。及其所有道場衆會。亦悉見彼十方世界一切諸趣所有衆生。亦悉見彼十方世界種種差別。亦悉見彼一切世界所有微塵。亦悉見彼諸世界中一切衆生所住宮殿。以種種寶而爲莊嚴。及亦聞彼諸佛如來種種言音。演說諸法文詞訓釋。悉皆解了。亦能觀察彼世界中一切衆生諸根心欲。亦能憶念彼世界中一切衆生前後十生。亦能憶念彼世界中過去去。

1 2 3 4 5 6 7 8 9 100

1 2 3 4 5 6 7 8 9 100

未來各十劫事。亦悉見彼諸佛如來十本生事。十成正覺。十轉法輪。十種神通。十種說法。十種教誡。十種辨才。又卽成就十千菩提心。十千三昧。十千波羅蜜。悉皆清淨。得大智慧圓滿光明。得菩薩十種神通。柔軟微妙。住菩薩心。堅固不動。爾時文殊師利菩薩。勸諸比丘。住普賢行。住普賢行已。入大願海。入大願海已。成就大願海。以成就大願海。故心清淨。心清淨。故身清淨。身清淨。故身輕利。身輕利。故得大神通。無有退轉。得此神通。故不離文殊師利足下。普於十方一切佛所。悉現其身。具足成

就一切佛法。釋曰。此卽道成也。二三昧中有十通用。皆圓益也。○啟明東廟智滿不異於初心者。第五成智益。啟明東廟者。卽第六十二經云。爾時文殊師利菩薩。勸諸比丘。發阿耨多羅三藐三菩提心已。漸次南行。經歷人間。至福城東。住莊嚴幢娑羅林中。往昔諸佛教化衆生大塔廟處。時福城人聞文殊師利童子在莊嚴幢娑羅林中大塔廟處。無量大衆從其城出來。詣其所。下別列中有五百優婆塞。五百優婆夷。五百童男。五百童女。善財是一。下文殊師利獨觀善財。旣觀察已。安慰開喻。而

撰述

五、廣雅

七

万

爲演說一切佛法乃至說此法已。愍勸增長勢力令其歡喜發阿耨多羅三藐三菩提心。又今憶念過去善根作是事已復於其處爲諸衆生隨宜說法。然後而去爾時善財童子從文殊師利所聞佛如是種種功德一心勤求阿耨多羅三藐三菩提隨文殊師利而說偈言等卽啟明東廟也。言智滿不異於初心者卽第八十經初智照無二相經云是時文殊師利遙申右手過一百二十由旬按善財頂作如是言善哉善哉善男子若離信根心劣憂悔功行不具退失精勤於一善根心生住

著於少功德便以爲足不能善巧發起行願不爲善知識之所攝護不爲如來之所憶念不能了知如是法性如是理趣如是法門如是所行如是境界若周徧知若種種知若盡源底若解了若趣入若解說若分別若證知若獲得皆悉不能釋曰了知法性卽是智滿若離信心則不能得反顯由信心故則得不離初發之心則信智無二若約不動智爲初卽前後二智無二也○寄位南求因圓不踰于毛孔者第六成位益謂善財初見文殊寄十信位德雲至瞿波寄三賢十聖摩耶已下兼寄等

覺後見普賢。便得因圓。不踰毛孔。文云時善財童子。又見自身在普賢身內。十方一切諸世界中教化衆生。又云是善財童子。從初發心。乃至得見普賢菩薩於其中間所入一切諸佛刹海。今於普賢一毛孔中。一念所入諸佛刹海。過前不可說不可說。佛刹微塵數倍。如一毛孔。一一毛孔悉亦如是。又云善財童子於普賢菩薩毛孔刹中。或於一刹。經於一劫。如是而行乃至。或有經不可說不可說。佛刹微塵數劫。如是而行。亦不於此刹沒於彼刹。現念念周徧無邊利海。教化衆生。令向阿耨多羅。

三藐三菩提耳。當是之時。善財童子則次第得普賢菩薩諸行願海與普賢等與諸佛等。一身充滿一切世界。利等行等正覺等。神通等法輪等言詞等音聲等力無畏等。佛所住等大慈悲等不可思議解脫自在悉皆同等。釋曰此卽毛孔中因圓也。○剖微塵之經卷則念念果成者第七顯因成果益卽出現品大經潛塵喻偈云如有大經卷量等三千界在於一塵內一切塵亦然有一聰慧人淨眼悉明見破塵出經卷普饒益衆生佛智亦如是徧在衆生心妄想之所纏不覺亦不知諸佛大慈

悲令其除妄想。如是乃出現饒益諸菩薩。又經云。菩薩應知自心。念念常有佛成正覺。何以故。諸佛如來不離此心成正覺。故念念相應。則念念成矣。○盡衆生之願門。則塵塵行滿者。第八成就行。願益謂菩薩發心化盡生界。生界若盡。大願方終。生界無窮。大願無盡。十地品云。若衆生界盡。我願乃盡。而衆生界不可盡。故我此大願善根無有窮盡。今衆生界雖無有盡。而等有經卷。故普開之要。令盡無盡之衆生爲大願矣。言塵塵行滿者。菩薩大悲不可盡。故心量難思。爲一衆生於一塵中。經

無量劫修行萬行。心不疲倦。塵塵皆爾。生生盡然。
方顯願行無窮盡也。文殊菩薩讚善財云。汝徧一
切刹微塵等諸劫。修行普賢行。成就菩提道。
真可謂常恒之妙說。通方之洪規。稱性之極談。一乘
之要。耽也。

第八真可謂常恒之妙說下。結歎宏遠於中二。
先當相顯勝。文有四句。初句明常。常恒之說。前後
際而無涯故。二通方之洪規者。明徧無有一國不
說此法。故明是通方不同隨宜之教。有說不說。三
稱性之極談者。顯深。一一稱理故。一文一句不可

盡故普賢語善財云我法海中未有一文一句非是捨施無量轉輪王位而求得者。四一乘之要軌者明要謂於一乘之中是別教一乘不共之旨圓因之明成佛之妙故。

尋斯玄旨。却覽餘經。其猶杲日麗天。奪衆景之耀湏。
彌橫海落。羣峯之高。

尋斯玄旨。却覽餘經下。二對他顯勝。先法。後喻。初法可知。後喻之中。文有二喻。初其猶杲日麗天。奪衆景之耀者。卽智明映奪喻。初昇之日謂之杲日。麗者著明也。此經猶如杲日。杲日旣

昇衆景奪耀。景猶明也。卽大明流空。繁星奪耀。斯經大闡。衆典無輝。○後須彌橫海。落羣峯之高者。卽高勝難齊。踰須彌。卽是此經。羣峯卽是餘教。設七金鐵圍。方餘高廣。比妙高之出海。並落其高。以俯望羣峯。如培塿故。

是以菩薩搜祕於龍宮。大賢闡揚於東夏。顧唯正法之代。尚匿清輝。幸哉像季之時。偶斯玄化。況逢聖王。得在靈山。竭思幽宗。豈無慶曜。

第九。是以菩薩搜祕于龍宮下。感慶逢遇於中二。
一明弘闡源由。謂龍樹菩薩。五百年外。方入龍

宮搜求。得斯玄奧之典。事如別傳。及纂靈記。言大賢闡揚於東夏者。正取覺賢。兼餘大德。謂智嚴法業。日照實叉等。闡揚斯典。言於東夏者。謂葱嶺之東。地方數千里。謂之神州大夏。而上云是以者。由上深妙。故搜之闡之。故龍樹入於龍宮。廣見無數。偏誦此經者。以玄妙故。故智論名爲大不思議經。而諸大德。皆見此經一文一句。竭海墨而莫盡。一偈一光。破地獄之劇苦。是以諸師盡命弘傳耳。○顧惟正法之代。尚匿清輝。幸哉像季之時。偶斯玄化等者。二正明感遇於中。亦二先對昔自慶。謂五

百年前。卽當正法。斯經清輝。隱匿龍宮之內。時人不聞。何幸像法垂末之年。遇斯玄微之化。生居像未。應合悲傷。反顧前不聞經。未慙正法之代。故自慶也。此依不減正法一千年。故今爲像末。以今去大師涅槃一千八百六十年故。又按大集月藏分第一五百。年解脫牢固。第二五百。年禪定牢固。第三五百年。多聞牢固。第四五百年。塔寺牢固。第五五百年。闡諍牢固。今居塔寺之末。將隣闡諍之時。翻聞難忍之經。碎身莫酬其慶。○况逢聖王。得在靈山。竭思幽宗。豈無慶躍者。第二對今自慶。此慶

1 2 3 4 5 6 7 8 9 100

撰述

聖嚴子言卷一

三

有三。一慶時。二慶處。三慶修。初卽况逢聖王。謂明時難遇。今值聖明天子。敷陳五教。高闡一乘。列刹相。煌鐘梵交響。使得閑居學肆。探賾玄門。斯一幸也。二得在靈山者。慶處也。清淨靈山三千之最。文殊大聖諸佛祖師金色。雖在東方。住處卽爲金色。大聖雖周法界。攝機長在此山。應感普周。若百川影落。清涼長在。猶素月澄空。萬聖幽贊於五峯。百祇傳慶於千古。况大孚靈聾。標乎聖寺之名。一介微僧。得在居人之數。此之慶幸。爰媿多生斯再幸也。二竭思幽宗者。慶所修也。大方廣佛華嚴經。卽